

LA GIUVENTETGNA – DIE JUGEND

LA GIUVENTETGNA

Noelia Carigiet (*2006), Ursina
Camathias (*2006) e Rilana
Brunold (*2006)

O giuventetgna ch'eis plein prescha
Ti eis aschi enzatgei da «fresha»!
Da tei duess miu rap tractar
e tei semplamein admirar.
Tiu fried ei semplamein bumba!
O giuventetgna, mia columba!

En nossa coola gang
tachein sch'in mereng.
Tuts per in, in per tuts!
Tschei onn aunc fatg cun poppas
ed ussa lavar tudi las toppas!
Nies glam ei buca ruts.

L'emprema gada viu sin Instagram,
hai tertgau da survegnir in autogram.
Sin Snapchat surveniu ina damonda,
silsuenter essan s'entupai la sonda.
Ed uss essan ina coola gang
Sco detg, exact so in mereng!

LA GIUVENTETGNA

Flurin Camathias (*1871-†1946)

O giuventetgna,
frestga fadetgna,
ti rasas ora schi bun'odur;
de tei vi jeu cantar
e biala tei numnar,
o giuventetgna, ti castga flur!

En cumpignia
plein harmonia
cantein nus legher e frestgamein;
tgei onns de legherment
de forz' ed ardiment,
o giuventetgna, ti tschiel serein!

O ti rimnada
cun led'egliada
lavor'e conta de bien humor.
Dultscha speranza
anfl'in'avdonza,
o giuventetgna, en tiu bien cor.

Mo spert sesmida
la flur cotschnida,
la feglia croda avon ch'ins crei;
perquei nos onns schi bials,
lein esser leds giuvnals
en giuventetgna, tuts selegrei!